

宋

文

鑑

宋

文

鑑

宋文鑑卷第一百三十二

樂語

教坊致語

勾合曲

勾小兒隊

隊名

問小兒

小兒致語

勾雜劇

放隊

教坊致語

勾合曲

勾小兒隊

隊名

宋王王王王宋宋宋宋宋宋宋宋
祁珪珪珪珪祁祁祁祁祁祁祁祁

問小兒隊

王珪

小兒致語

王珪

勾雜劇

王珪

放小兒隊

王珪

勾女弟子隊

王珪

隊名

王珪

問女弟子隊

王珪

女弟子致語

王珪

勾雜劇

王珪

放女弟子隊

王珪

集英殿秋宴教坊致語

元絳

勾合曲

元絳

勾小兒隊

元絳

隊名

元絳

問小兒隊

小兒致語

勾雜劇

放小兒隊

勾女弟子隊

隊名

問女弟子隊

女弟子致語

勾雜劇

放女弟子隊

集英殿秋宴教坊致語

勾合曲

勾小兒隊

隊名

元絳

元絳

元絳

元絳

元絳

元絳

元絳

元絳

元絳

元絳

蘇軾

蘇軾

蘇軾

蘇軾

問小兒隊

小兒致語

勾雜劇

放小兒隊

勾女童隊

隊名

問女童隊

女童致語

勾雜劇

放隊

會老堂致語

哀辭

哭尹舍人詞

哀穆先生文

蘇軾

蘇軾

蘇軾

蘇軾

蘇軾

蘇軾

蘇軾

蘇軾

蘇軾

蘇軾

歐陽修

富弼

蘇舜欽

弔岳二生文

劉敞

蘇明允哀詞

曾鞏

錢君倚哀詞

蘇軾

鍾子翼哀詞

蘇軾

哭李仲蒙辭

文同

毗陵張先生哀辭

代呂待講作

汪革

王升之誄

劉跂

樂語

教坊致語

宋祁

臣聞璿杓東指披寶典以開年玉節南馳重歡隣而講好國美春
臺之享朝推宴俎之慈用洽樂康式昭熙盛恭惟尊號 皇帝陛
下紹承丕烈奄宅中邦坐黃屋以訓恭擁綠圖而進道五辰順理
九扈告豐圓璧方琮並薦精純之祀巽風解雨交流曠蕩之恩五
刑則解網畫冠一尉則垂橐卧鼓鴻休紹至協氣翔臻屬歲朔之

申儀加使華之脩聘爰開廣殿胥慶佳辰王人捧日以揚輝方丈
移山而獻壽珍羣肅穆睟表顒昂瑞藻躍魚嘉鎬京之飲酒翠梧
傾鳳應韶舞之撓金式均蒙湛之仁普詠叢雲之旦臣濫巾法部
旅進神庭切抃享期敢進口號 干官星拱侍凝旒紫殿餘寒已
暗收日湛露華浮宴席天回春色徧皇州雲韶三闋翔朱鷺錦幕
千層舞翠蚪拭玉隣邦通使節萬齡亨會慶洪猷

勾合曲

宋 祁

玉色凝溫盛慶儀於端日葵心委照同華宴於需雲矧韶律以方
融顧羣萌之將達宜陳備奏用洽太和徐韻宮商教坊合曲

勾小兒隊

宋 祁

綵岫岩堯爛仙葩於曉日霞裾轉炫疊華鼓於春雷烏漏未移鸞
觴在御宜進游童之列俾陳逸綴之妍上奉宸歡教坊小兒入隊

隊名

宋 祁

紫殿開慈宴 青衿綴舞行

問小兒

宋 祁

便娟躡履皆竹馬之髻齡蹀躞交竿盡蘭觴之雅飾旣樂陶姚之
化盍陳象勺之因進叩天階雍容敷奏

小兒致語

宋 祁

臣聞慶朔履端儼鷺雍而四會寶隣馳聘拭虹玉以申歡嘉乃禮
成眷茲作首爰詔夏渠之饗允昭交泰之期恭惟尊號 皇帝陛
下德總右文功宣下武順四時之和燭濟萬世於夷庚海不揚波
地無愛寶屬以階蓂肇歷律鳳回春順邦令以布和脩國儀而行
慶承雲調露方諧廣樂之音酌飲陪殮普適中衢之賜洽歡心於
草鹿暢羣抃於先黿臣等雖愧妙年同欣盛際旣造規蒲之地願
陳秉翟之容未敢自專伏候進旨

勾雜劇

宋 祁

回鸞逗節已徧於餘妍舒鴈分行聊亭於合奏天顏益粹日舍方
徐宜參優孟之滑稽式助都場之曼衍童裳却立雜劇來歟

放隊

宋祁

金徒漏改玉聲巡周既殫雅舞之容復罄歡謠之樂宜遵矩步歸詠雩風再拜天階相將好去

教坊致語

王珪

臣聞高廩登秋美粢盛之已報需雲命燕嘉飲食之維時況寶厯之逢熙復皇居之乘豫樂與羣臣之飫翕同萬物之和恭惟尊號皇帝陛下德邁前王仁敷中寓虎旗犀甲韜兵武庫之中桂海冰天獻賁彤墀之下邦有休符之應民躋壽域之康候爽氣於重霄置清觴於別殿下珍羣之鵷鷺發和奏之笙鏞於時日上扶桑風生閭闔度芝蓋於丹城降金輿於紫闈百獸感和來舞帝虞之樂羣生遂性如登老氏之臺固已追平樂之勝遊掩柏梁之高會臣繆參法部獲望清光靡揆才蕪敢進口號翠輦鳴梢下未央千官齊望赭袍光霜清玉佩中天響風轉金爐合殿香仙路忽驚蓬島近晝陰偏度漢宮長年年萬寶登秋後常與君王獻壽觴

勾合曲

王珪

露泛帝觴凝九秋之顙氣星聯朝弁燦初日之長暉方魚藻以均
歡宜簫韶之合奏宸遊正洽樂節徐行上悅天顏教坊合曲

勾小兒隊

王珪

燕觴飛羽方歌湛露之詩廣樂撓金已極鈞天之奏宜命遊童之
綴來陳舞份之容上奉皇慈教坊小兒入隊

隊名

王珪

紅茵鋪禁

兒絳節引僊童

問小兒隊

王珪

宸庭廣御仰侔太紫之纏鈞樂更和曲盡咸英之奏何處采髦之
侶輒趨文陛之前必有所陳雍容敷奏

小兒致語

王珪

臣聞舜帝深仁眾極慕羶之樂周家盛德時歌在藻之娛矧逢下
武之期屢洽登年之瑞張君臣之廣燕煥今古之多儀恭惟尊號

皇帝陛下躬神睿之姿撫休明之運禮樂兼于三代文章邁於兩京矧乃武庫韜戈戍亭徹候百蠻犇走南踰銅鼓之鄉萬里謳謠西出玉關之路今則清商應律滯穗盈疇奏肆夏之音事軼元侯之饗詠嘉魚之什禮交君子之歡足以崇勝會於難追騰頌聲於無既臣等生陶醴化謬齒伶坊雖在童髦嘗習舞干之妙趣趨君陛願隨樂節之行未敢自專伏候進止

勾雜劇

王珪

華旌炫影觀童舞之成文畫啟收聲識鈞音之終曲助以優人之伎卜爲清晝之歡上懌宸顏雜劇來歟

放小兒隊

王珪

銅壺遞箭屢移宮樹之音鷺羽充庭久曳童髦之綵旣闕韶音之奏難停舞綴之容再拜天階相將好去

勾女弟子隊

王珪

華簪照席再嚴百辟之趨寶幄更衣復覩中天之坐宜度仙磬之

曲更呈舞袖之妍上奉皇慈兩軍女弟子入隊

隊名

王珪

宮錦祥鸞下

仙磬采鳳來

問女弟子隊

王珪

金徒緩刻延麗日於壺中翠羽飛觴醉流霞於天上何仙姿之綽約叩丹陛以踟躕須有剖陳近前敷奏

女弟子致語

王珪

妾聞候凝霜降屬百工之告休歌起鹿鳴見羣臣之合好矧萬機之多豫復千載之盛期啟燕良辰騰歡綿寓恭惟尊號明紫極儲思巖廊邁三皇五帝之風紹一祖二宗之烈候亭相屬不齋萬里之糧年廩屢登又美曾孫之稼時及授衣之候民多擊壤之禧廣慈惠於前儀慶升平於茲日玉觴盈醴均流湛露之恩翠虞縱金合奏洞庭之曲感福休於靡極召和樂於無窮妾等幸遇昌時預陳法部舉聽鏗純之節來參蹈厲之容未敢自專伏候

進止

勾雜劇

王珪

鸞拂宮茵極七盤之妙態鳳儀僊曲終九奏之和聲方鎬飲之窮歡宜秦優之進伎宸顏是奉雜劇來歟

放女弟子隊

王珪

宮花翦彩恍疑天上之春海日銜規忽覺人閒之暮宜整羽衣之綴却回雲島之遊再拜彤庭相將好去

集英殿秋宴教坊致語

元絳

臣聞灝氣澄爽當金飆沆碣之時巖廊穆清乃黃屋燕閒之日肆陳廣會申惠庶工慶盛世之熙隆浹輿情而鼓舞恭惟皇帝陛下九乾毓粹三象儲精丕承累洽之基茂建大中之治縱橫文武聲教塞于天淵出入聖神威靈震於戎狄方且輯瑞而朝羣后垂筵而揖三皇光圖麗史之祥紛綸而洊至軼漠踰沙之貢竭蹶以相趨運獨化於陶鈞寘懷生於仁壽屬商煒之道暮方歲物之順

成特御大庭爰開高宴動詔蹕於丹禁集朝簪於赤墀美樂在陳
下九苞之鳳舞嘉觴來上騰萬歲之山聲續卿雲復旦之歌合湛
露晞陽之雅臣等叨參法部幸對威顏上瀆聖聰敢進口號 秋
風間闔九門開天上鳴鞘步輦來萬樂筦弦流紫府千官簪佩集
鈞臺華胥雲霧凝仙仗南極星辰入壽杯旣醉太平均五福明良
賡載詠康哉

勾合曲

元絳

金飆日爽慶嘉生登稔之祥玉座天臨宣惠宴均懽之澤宜按鳳
韶之奏載賡魚藻之歌上奉宸嚴教坊合曲

勾小兒隊

元絳

簫韶迭奏通天地以均和簪組相趨協君臣之同樂宜命垂髫之
侶來陳舞象之容徐韻宮商教坊小兒入隊

隊名

元絳

舞羽虞庭樂

歌雲沛水童

問小兒隊

元絳

廣樂張庭華茵匝地何爾垂觴之侶來瞻宸扆之嚴必自敘陳分
明敷奏

小兒致語

元絳

臣聞霜氣始肅登萬寶以順成金行當期奄四夷而率服乘蕭辰
之爽澈開廣宴之光華親御九宸均懽百辟恭惟 皇帝陛下至
仁溥博盛德昭清獨觀萬化之原遐踵三皇之武振張禮樂垂王
度於區中總攬英雄懽靈威於徼外神功廣運聖業永昌方黃屋
之清居乘素商之令序肆瑤席於黼帳下珎輿於紫闈壽筭九行
懽聲動而六鼇抃鈞簫八闋和氣浹而丹鳳翔仰屬重熙誕膺多
福臣等甫當髫髻幸閱聲明習戲康衢嘗爲於蹈舞進趨文陛願
效於伎能未敢自專伏候進止

勾雜劇

元絳

疊鼓凝簫未已九成之奏垂髫佩鞞暫分八佾之行宜陳優戲之

容上奉威顏之樂再更妙引雜劇來歟

放小兒隊

元絳

金胥漏緩玉案香濃天酒千鍾眷簪紳之具醉童衣五綵促步武以將歸再拜天階相將好去

勾女弟子隊

元絳

日轉彤墀香飄黼座宜旅陳於舞綴以仰奉於宸懽上悅天顏兩軍女弟子入隊

隊名

元絳

承雲鈞籟合 回雪舞桂輕

問女弟子隊

元絳

翠華日麗玉殿風清飄然妙舞之容來此丹塗之地帝暉在望書漏已移必有敘陳分明敷奏

女弟子致語

元絳

妾聞周詩既醉二歌均五福之祥漢宴無譁國禮重九儀之序方